



GETE-GEGOONAN GAA- DAZHIKAMOWAAD GAYE IZHITWAWIN

PAYATE ISHIKIISHWEWIN MAMAW TIPACIMOWIN
Eki'oshiipihikatek kacakosich kiisis 2026



Iwe Dazhiikewin Miikana ayaamagak da-onji-aanjiseg gaa-dazhiikigaadegin gete-gegoonan gaye izhitwaawin imaa. Mikigaadewan gaye waawaabanjigaade-wan gete-gegoonan (waabigani-akikwag gaye asinii-aabajichiganan) gaye gaa-gii-danakamigak (gii-bagidawaang, gaye gii-adaawaazowaad maanitaanag), gaye dash izhitwaawin, naagadawaabanjigaade bakaan geagoon gaye gaa-inakamigaak gaye waakaa'iganan. Maamawi-waabanjigaadegin ono, gi-ga-onji-nisidotaamin aaniin gaa-bi-izhinaa-gwak bimaadiziwin omaa mewhinzha.

Noongom Gaa-izhiseg

Gete-gegoonan Gaa-dazhiikigaadegin

Naagadawaabanjigaade gete-gegoonan gii-dazhiikigaadegin ji-gikenjigaadeg aaniin gaa-izhiseg mewinzha gaye aaniin ezhiseg noongom gaa-izhi-inaabing.

Nitam 1

ganawaabanjigaade aaniin gaa-izhi-nanaandogikenjigaadeg odaanaang jigikenjigaa-deg wegonen gemikigaadegiban noongom.

Nitam 2

ganawaabanjigaade wegonen gaa-waabandamowaad noongom ganage jiaayaamagakin getegegoonan imaa gaa-izhi-inaabing.

Nitam 3

nanaandogikenjigewag e-moona'igewaad enendamowaad e-ayaagin getegegoonan, jigagwegikendamowaad aaniin geinigokwaag ge-izhi-moona'igewaad gaye aaniin gaa-izhisegi-ban imaa mewinzha.

Nitam 4

niizhinoon gaa-izhichigewaad omaa. Bezhig iwe Nitam 4, moona'igewag e-odaapina-mowaad gaa-mikamowaad imaa gii-moona'igewaad. Mii imaa Nitam 4 gaye ezhi-manaajitoo-waad eyaamagak imaa anamakamig, jigawanen-jigaadeg daabishkoo. Mii omaa ezhi-gikendamowaad aaniin gaa-inakamiganogwen mewinzha, e-naanaagadawaabanjigaadeg gaye e-manaajichi-gaadeg iwe aki, gaye e-ikidowaad aaniin geizhi-manaa-wanashkwechigaadeg iwe aki gaa-izhi-ayaagin ini getegegoonan. Owe izhichigewag jibwaa-bashkoga'igewaad jimaajii-ozhitoowaad iwe miikana.

Nitam 1 Gete-gegoon Nanaando-gikenji-gewining gii-izhi-ganawaabanjigaade aaniin gizhiseg Giiwednong Ontario 11,000 daso-biboon gaa-izhiseg oada-naang, Paleo, Archaic gaye Woodland apii iwe 1800s gaye wiiba 1900s. Aan gaa-daswewaanagiziwaad Anishinaabeg omaa jibwaa-dagoshinowaad wemitigoo-zhiwag gii-waabanjigaade. Paleo (8,000- 4,500 BC), giiwednong imaa Gichi-zaaga'iganiing gii-dazhiikewag anishinaabeg. Archaic dash (5,400-250 BC) gii-aabawaa nawach, gii-ani-baatiinowag awiyag, bangii eta gii-babaa-izhaawag, nawach ginwesh bezhigwan gii-ayaawag gaye e-gii-meshkoodonamaadiwaad. Woodlands (700 BC – 1650 AD) gii-maa-jii-ozhi'aawaa waabigan akikwa'. Gii-giizhawaayaag gii-nitaawiginoon gitigaa-nan gaa-gii-miijiwaad, gaawiin dash wiin gii-gitigesiiwag daabishkoo Anishinaabeg zhaawanong gaa-gii-doodamowaad. Giiliyaabi gii-bagidawaawag gaye gii-andawenjigewag owe apii.

Gii-ani-ganawaabanjigaade nawach niibiwa akin ge-wanashkwechigaadegi-baniin gaye iwe Nitam 1 gii-izhisemagan imaa. Gii-inenjigaade ji-mikigaadegin gete-gegoonan besho ji-ayaamagak iwe Dazhiikewin Miikana gaa-izhi-ayaag nibi gaye miijim ge-ondinigaadeg, gaye gaa-izhidaanaaniwang. Omaa Marten Falls Waakaa'igan, gii-dazhi-meshkwadooni-gewag gaa-adaawewaad maanitaana'. Marten Falls Waakaa'igan gii-waawaa-banjigaade 1980 gii-izhiseg, egii-mika-mowaad gete-gegoonan daabishkoo waabigan aabajichiganan, waasechigan-aabig biiwaabik aabajichiganan, godak aabajichiganan, ayaawish okanan gaye Anishinaabe gaa-gii-aabajitood. Imaa Albany Ziibiing gii-mikigaadewan gete-gegoonan gaa-gii-aabajichigaadegin jibwaa-dagoshing wemitigoozhi omaa. Jiigibiig gaye jiigiya'ii gaa-gii-babaami-ayaanaaniwang daa-mikigaadean gete-gegoonan.

2019 gii-izhiseg, Nitam 2 Gete-gegoonan o-gii-ganawaabandaanaawaa, imaa gaa-izhi-aazhawishkaang Ogoki gaye Albany Ziibiin. Naanan izhi-ganawaabanjigaade, nisin gete-gegoonan ayaamaganoon. Bezhiig imaa 1 Albany Ziibiing imaa gii-mikigaade gete-gegoon (asinii-aabajichi-gan) imaa Hudson's Bay gaa-izhi-waaba-ndamong. Imaa dash 2, gete-dazhiikewin jiigiya'ii Albany Ziibi gaa-izhi-aazhawishk-aang Caviar izhinikaade gaa-ikidong Nitam 3 ji-izhi-naanaagadawaabanjigaa-deg egii-inakamigak imaa izhitwaawining izhi. Biwaabikoonsan gaa-izhi-biindeg zhiwaabo gaye moodayaabikoon gii-mikigaadewan, miiziiwigamig, gaa-izhi-jiibaakwenaaniwang, gaye gaa-gii-izhi-badakidegin bagwaanegamigoon, e-waa-banjigaadeg aaniin gaa-izhichigeng imaa 20th odaanaang ngodwaak daso-biboon. Imaa 3 jiigiya'ii Ogoki Ziibi gaa-izhi-aazhawishkaang, gii-mikigaadewan gete-gegoonan, gaawiin dash doosh gikenji-gaadesinoon.



Ekonen iwe...

Besho Gaa-naagadawaabanjigaadeg ngojigo 5 km akwaa imaa Dazhiikewin Miikana ge-ayaamagak. Niibiwa aya'aa-wishag gaye bineshiinzhas gaye manijoo-shag imaa ayaawag noopimiing eyaa-waad mitigoog gaye mashkiig, e-ayaa-magaki ge-izhi-babaamishkaang, nibi ge-minikwaadeg gaye ji-bagidawaang. Mii imaa gaa-ondaadiziwaad Anishinaabeg gii-dazhiikewaad imaa. Ziibiing gii-onji-babaa-ayaawag daabishkoo miikanawan gii-inendaagonoon, 1943 biinsh 1950 gii-izhiseg dash wasigan gii-maajii-ozhichigaade imaa Albany gaye Ogoki Ziibiin gii-ozhichigaadegin giba'iganan imaa Wa-zhashk Baawitigong gaye Waabooz Baawitigong.



Ekonen iwe...

Makatewinapakaasin:

kanapakaapikisich asin eishimikawakanech ima nanew, sakahikanik kayema okitakamik nekehi.

Izhitwaawin Gikenjigaadeg

Izhitwaawin Gaa-nanaando-gikenjigaa-deg o-gii-ganawaabandaanaawaa izhi-twaawin imaa 5 km ako ge-inamok, gaye Besho Ge-inishkaagemagak gaa-izhinikaadeg. Gaa-gii-ozhitoowaad anishi-naabeg mewinzha owaabandaanaawaa, gaye wemitigoozhiwag gii-bi-ayaawaad. Ngojigo 288 gii-izhi-mikigaadewan gegoonan, gii-nanaandawaabanjigewaad gii-ozhitoowaad gaye akiimazina'iganan. Daabishkoo onowe:

- 149 gaa-gii-dazhimijimikewaad (106 aya'aa-wishag, 25 giigooyag, 18 gitigaanan);
- 49 gaa-gii-dazhi-anishinaabewichigewaad mewinzha;
- 90 gaa-gii-izhi-dazhiikewaad; gaye
- 23 gaa-gii-izhi-babaami-ayaawaad.

Gii-gichi-inendaagwanoon ono ji-nisidotamang aaniin gaa-izhiseg odaanaang, gaa-inakamigak gaye Anishinaabeg gaa-izhi-bimaadiziwaad, gaye aaniin noongom ezhigikendaagwak izhitwaawin.



Ge-inishkaagemagak manaaji'iwewin

Gete-gegoonan Gii-dazhiikigaadegin

Gii-ganawaabanjigaade aaniin ge-inish-kaagemagak ozhichigaadeg Dazhiikewin Miikana ini gete-gegoonan. Gii-aabajitoo-waad gichi-aabajichiganan, gii-bashko-ga'igewaad, gii-biima'igewaad, gii-baashkidewisigewaad, gii-ozhitoowaad miikana, gaye aazhogan gaye mikan-aang gaa-aazhawising anaaming, da-wanishkwechigemaganoon gete-gegoonan. Gaa-ozhichigaadegin gii-miikanaakeng, miikanaansan, dazhiike-winan gaye waanikaanan da-wanishkwe-chigemaganoon. Ginwesh aabajichigaa-deg iwe miikana gaye daa-onji-maanzhi-se gegoon imaa giwitaaya'ii, ji-maanzh-isegin gete-gegoonana gaa-ayaagin imaa.

Nitam 2 Gete-gegoonan Nanaando-gikenjigewin daa-giizhichigaade ge-izhi-maanishkaagemagakiban miikana ozhi-chigaadeg. Gaye giyaabi daa-niigaani-ganawaabanjigaade, gaye ji-ganoonin-dwaa Anishinaabeg enendamowaad ji-dagwiiwaad gewiinawaa apii maajii-dazhinjigaadeg ge-izhichigaadeg iwe miikana ani-akiiwang. Giishpin gashkichi-gaadesinog ji-izhiseg, iwe Caviaring da-dazhi-doodamoog Nitam 3.

Maawach daa-onizhishin ji-izhaanaani-wanzinog imaa gaa-izhi-danendaagokin gete-gegoonan, gaye ji-manaajitoo-waad giishpin mikamowaad. Giishpin manaa-jichigaadeg gaa-izhi-ayaagin ini gete-gegoonan, 20 m ako daa-izhaanaani-wanzinog imaa, gete-gegoonan gaa-dazhiikang ji-naagajitood, gaye ji-ikidod gaawiin awiya imaa ji-izhaasig. Giishpin iwe izhichigenaaniwanzinog, ndawaa aapiji weweni oada-gagwe-moona'aa-naawaa ini gete-gegoonan gaye ji-mazi-naakizamowad.

Ge-inishkaagemagak manaaji'iwewin

Izhitwaawin Ganawenjigewin

Owe naagajichigewin gii-ganawaabanji-gaade aaniin ge-inishkaagemagak iwe Dazhiikewin Miikana imaa gaa-izhi-ayaagin gaa-gii-gichi-inenjigaadegin, ji-ikidonaaniwang aaniin ge-inishkaage-magakin. Dawinigaadegin waakaa'iganan gaye ozhichigaadegin oshki-iyaa'in gaye wanashkwechigaadeg aki, daa-onji-maanzhisewan ini gaa-izhi-ayaagin gete-gegoonan. Waabanjigaade aaniin ezhi-naagwak gete-gegoonan gaa-izhi-yaagin gaye gii-biima'igewaad aaniin ezhi-gokoshkoseg aki, e-maanzhichigemagak iwe gii-doodamowaad, gaye ji-naagosi-nog gaa-izhinaagwak.

Ozhitoowaad oshki-miikanaansan gaye aazhoganan, bashkoga'igewaad gaye biima'igewaad gaye baashkidewisige-waad, ozhitoowaad ge-danakamigak ozhichigaadeg miikana, da-maanzhichi-gemagan imaa gaa-izhi-gichi-inendaa-gwak.

Ji-ganawendamowaad ini akin gaa-izhi-gichi-inendaagwak, owe da-izhichigewag ji-manaajitoowaad. Izhichigewin gaawiin da-izhaamagazinoon gaa-izhi-gichi-inenjigaadeg aki, weweni ji-niigaanenda-mowaad ezhichigewaad, gaye ji-danaka-migizisigwaa gaa-izhi-ayaag gegoon, ji-wiindamawaaganiwiwaad anokiiwininiwag aandi eyaagin gaa-gichi-inendaagwak aki gaye ji-wiindamaageng aandi ge-izhaa-sigwaa. Giishpin aanjiseg gaa-inamog, gaa-gikendaasod da-wiindamaage aaniin ge-izhi-inishkaagemagak gaye ji-wiinda-maageng miinawaa.

Maagizhaa niizhinoon gaa-gichi-inendaa-gokin, Ogoki Ziibi gaye Albany Ziibi. Jibwaa-maajii-miikanaakewaad, o-da-waabandaanaawaa gaa-gikendaasowaad giishpin gichi-gegoon imaa ayaamagak ji-aabajitoowaad Ontario Regulation 9/06 gemaa Ontario Regulation 10/06 iwe Ontario Ge-iyaa'in Inaakonigewin. Giishpin Ogoki Ziibi gemaa Albany Ziibi ayaama-gak ge-gichi-inendaagwakiban imaa, Heritage Impact Nanaando-gikenjigewin-an da-ozhichigaadewan ji-nisidotamong aaniin ge-inishkaagemagak gaye aaniin ge-izhi-manaajichigaadegin.

Ge-inishkaagemagak

Aanawi manaajichigewaad, giiyaabi gegoon da-inishkaagemagan gii-ozhitoo-waad iwe miikana gaye ji-aabajichigaad-eg iwe Dazhiikewin Miikana, weweni da-naagajichigaade iwe apii.

Dazhiikewin Miikana gegoon da-inishkaa-gemagan gaa-izhi-maawadoonigaadeg miim, gaye gaa-gii-izhi-anishinaabewi-chigewaad mewinzha Anishinaabeg gaye gaa-gii-izhidaawaad. Da-gagwe-gikenji-gaade aaniin enendaagwak iwe jibwaa-maajii-miikanaakewaad ji-manaajitoowaad iwe aki.

Gaawiin gii-naagadawaabanjigaadesi-noonan Gete-Gegoonan Gaa-dazhiikig-aadegin ji-biminizha'amowaad iwe Ogimaawiwinn Citizenship gaye Maamaw izhitwaawin gaa-izhinikaadeg.

Maamaw Inishkaagewin

Maamaw inishkaagewin gaawiin gii-naagajichigaadesinoon Gete-gegoonan Gaa-dazhiikigaadegin gaye Izhitwaawin ji-biminizha'amowaa iwe Ogimaawiwinn Citizenship gaye Maamaw izhitwaawin gaa-izhinikaadeg.





Awashime na kiwiikikentan?

Giishpin nawaj geyaabi gegoo wii-gikendamang, weweni gidaa-agindaan ji-gikendaman Aaniin Ge-meshkojishkaag / Gidakiiminaang Mazina'igan.

Kekanonach Wiintamakewinan

Kinantomiko ima cishayan akwaaahkiink tashiikewinik miikana kapimanokiitamowach anapii piko wiikakweteyan kayema wiipakitinaman ikitowin.

Piiwapikonk: eaisinput@martenfallsaccessroad.ca

Kitowinik: 1-800-764-9114

Piiwapik: eais.martenfallsaccessroad.ca

